



## МҰХАММЕДСАБЫР ПАРИЖ ОЛИМПИДАСЫНЫҢ ЖОЛДАМАСЫН ИЕЛЕНДІ

Бокстан Бангкок қаласында өтіп жатқан соңғы лицензиялық турнирде бокстан Қазақстан ұлттық құрамасының мүшесі Мұхаммедсабыр Базарбайұлы Париж Олимпиадасының жолдамасын жеңіп алды.

Шешуші аяқаста жерлесіміз (63,5 кг) Молдова өкілі Александр Параскивтен 5:0 есебімен басым түсті. Осылайша, Қазақстан ерлер құрамасы өз тарихында 3-рет толық құрамда Олимпиада жүлдесіне таласады.

Мұхаммедсабыр Базарбайұлы Париж додасына жолдама алу үшін «тар жол, тайғақ кешуден» өтті. Алдымен ҚР Спартакиадасында топ жарды. Одан кейін Италиядағы лицензиялық турнирге қатысып, 1\16 финалда жеңілді. Елімізде кезекті рет осы салмақта іріктеу өткізіліп, 3 қарсыласын жеңді. Ал Тайланд төрінде 6 жекпе-жек өткізді. Кубалық қарсыласына есе жібергенімен қалған 5 қарсыласын жеңді. Үлкен еңбекпен келген жолдама Париж Олимпиадасының жүлдесіне айнала берсін!

**Түркістан.**

## ЕЛІМІЗДЕГІ ЕҢ ІРІ ЖЫЛЫЖАЙ КЕШЕНІ КЕЛЕСТЕ САЛЫНАДЫ



Қазақстан Премьер-Министрі Олжас Бектенов «ЭКО-культура» агроөнеркәсіптік холдингінің президенті Александр Рудаковпен ауыл шаруашылығы саласындағы ынтымақтастық мәселелерін талқылады. Күн тәртібіндегі мәселе — аграрлық азық-түлік қауіпсіздігін қамтамасыз ету жөніндегі бірлескен жобаларды іске асыру, деп хабарлайды Primeminister.kz.

«ЭКО-культура» – 13 жыл бойы тұрақты дамып келе жатқан, жабық топырақта экологиялық таза көкөніс өсіретін ірі агроөнеркәсіптік холдингінің бірі. Бір жыл ішінде өндірген өнім көлемі 300 мың тоннадан асады. 3 кезе-

да жылыжай кешенін салып жатыр. Бүгінгі таңда 51 га жер учаскесінде жылыжай ашудың бірінші кезеңі жүзеге асырылуда, онда жылына 28 мың тоннадан астам қызанақ өсірілетін болады.

Кездесуге қатысушылар 500 га жерді қамтитын жылыжай кешенінің аумағын кеңейту жобасын талқылады. Бұл жыл бойы 240 мың тоннадан астам көкөніс өсіруге мүмкіндік береді. Өндірілетін өнім ішкі нарыққа жеткізіледі, сондай-ақ логистикалық және тарату орталықтарының келісілген арналары арқылы шетелге экспортталады.

Жобаның бірінші кезегін келесі жылдың соңына дейін пайдалануға

беру жоспарда бар. Александр Рудаковтың айтуынша, бұл әлемдегі ең ірі жылыжайлардың бірі болмақ. Мұнда 7 мың жұмыс орнын ашу көзделген. «ЭКО-культура» холдингі жергілікті тұрғындар үшін бәсекеге қабілетті еңбек жағдайын тудырып, әлеуметтік жауапкершілік шеңберінде өңірдің дамуына елеулі үлес қосады.

Үкімет басшысы агроөнеркәсіп кешенін дамытудың маңыздылығына тоқталды.

«Азық-түлік қауіпсіздігі, тұрғындарды сапалы өрі арзан өнімдермен қамтамасыз ету — Үкімет жұмысының негізгі басымдығы. сіп келе жатқан демографиялық көрсеткіштерді ескере отырып, бүкіл әлемде азық-түлікке деген қажеттілік тұрақты түрде артып келеді. Бізде ішкі нарықты қамтамасыз етіп, өнімді экспорттауға толық мүмкіндік бар. Бүгінде біз ішкі қажеттілікті толық қамтамасыз ете отырып, ауыл шаруашылығы саласын жаңа деңгейге көтеруді және экспорт көлемін одан өрі арттыруды мақсат етіп отырмыз. Аталған бағытта біз инвесторларды тартуға мүдделіміз және ауқымды жобаларды іске асыруға қолдау көрсетуге дайынбыз», — деп атап өтті Олжас Бектенов.

**Primeminister.kz.**

## ШАРУАЛАРҒА 5 ПАЙЫЗБЕН НЕСИЕ БЕРІЛЕДІ

2024 жылы көктемгі егіс және егін жинау жұмыстарына алғаш рет 5% жеңілдікпен 400 млрд теңге көлемінде қосымша қаражат бөлінді. Несиелер «Кең дала-2» бағдарламасы бойынша бөлініп, «Аграрлық несие корпорациясы» АҚ филиалдары, несие серіктестіктері және екінші деңгейлі банктер арқылы іске асырылады.

2021 жылдан бастап бағдарлама операторы — «Аграрлық несие корпорациясы» АҚ арқылы көктемгі егіс және егін жинау жұмыстарын тікелей жеңілдетілген несиелендіруге 140 млрд теңге көлемінде бюджет қаражаты бөлініп келген. «Азық-түлік корпорациясы» ҰК» АҚ арқылы форвардтық сатып алу бағдарламасын жүзеге асыруға тағы шамамен 40 млрд теңге қарастырылған. Егінді несиелендіруге барлығы 180 млрд теңге бөлінді.

Қаржыландырудың қосымша көлемдері.

Биыл қолда бар қаржыландыру көлеміне «Кең дала-2» бағдарламасы бойынша қосымша 400 млрд теңге тарту мүмкіндігі бар. Бұл мақсатқа «Бәйтерек» ҰБХ» АҚ желісі бойынша 300 млрд теңге тартылады.

Ауыл шаруашылығы тауар өндірушілері жылдық 5 пайыздық мөлшерлеменен несие ала алады. Несие мерзімі — 12 айға дейін. «Кең дала-2» бағдарламасына өтініштер 29 сәуірден бастап қабылдануда.

Бүгінгі таңда 600-ден астам шаруа қожалығы жалпы сомасы 46,6 млрд теңгеге өтінім берді, бұл 425

мың гектар егіс алқабын несиелендіруге қамтуға мүмкіндік береді. Белсенді жұмыс жалғасуда, АНК филиалдары өтініштерді демалыс күндері де сенбі және жексенбі де қабылдайды.

Қолданыстағы тетіктерге өзгерістер.

ҚР Ауыл шаруашылығы министрлігі жеңілдікті несиелендірудің қосымша көлемін қамтамасыз ету үшін субсидиялаудың қолданыстағы тетіктеріне өзгерістер енгізуді көздейді.

Біріншіден, фермерлер 5 пайыздан аспайтын жеңілдік мөлшерлемесі бойынша несие алады, бұл пайыздық мөлшерлемені субсидиялауға қаражаттың болуына байланысты емес.

Екіншіден, несиелер бойынша кепілді қамтамасыз ету жағдайын жақсарту үшін несие шарты сомасының 85% мөлшерінде кепілдік тетігі қарастырылған.

AGRO PRESS

Ауыл шаруашылығы тауар өндірушілеріне

5% пайыздық мөлшерлеменен несие беріледі

Түпкілікті қарна алушылар үшін несие сомасы

Несие мерзімі

12 айға дейін

Бір шаруа

15 МЛРД Т

дейін жетеді

«Кең дала-2» бағдарламасына өтініштер 29 сәуірден бастап

ҚР АШМ

AGRO PRESS

Биылғы жылғы қолда бар қаржыландыру көлеміне «Кең дала-2» бағдарламасы бойынша қосымша

400 МЛРД Т

тарту мүмкіндігі бар

Бұл мақсатқа «Бәйтерек» ҰБХ» АҚ желісі бойынша

300 МЛРД Т

тартылады

ҚР АШМ

### Бюджет қаражаты

Несиелерді арзандату үшін және кепілдік беру тетігіне республикалық бюджеттен 60 млрд теңге, оның ішінде купондық сыйақыны субсидиялауға - 45 млрд теңге, қарыздарды кепілдендіруге - 15 млрд теңге, сондай-ақ жергілікті бюджеттердің қаражаты есебінен 37,3 млрд теңге бөлінеді.

### Кепілді қамтамасыз ету

Қарыз алушы «Даму» кәсіпкерлікті дамыту қоры» АҚ-дан кепілдік алуға, ал қарыздың қалған сомасына және сыйақыға «Аграрлық несие корпорациясы» АҚ-ның кепілдік саясатының талаптарына сәйкес қамтамасыз етуді ұсынуға құқылы. Немесе қарыздың толық сомасына АНК кепіл саясатының талаптарына жауап беретін кепілді қамтамасыз ету. Екінші деңгейлі банк арналары бойынша қаржыландыру кезінде екінші деңгейлі банктердің кепіл саясаты қолданылады.

**«Айғақ»-ақпарат.**

## 9 ӨҢІРДЕ ТОПТЫҚ СУ ҚҰБЫРЛАРЫН САЛУ ЖӘНЕ РЕКОНСТРУКЦИЯЛАУ ЖҰМЫСТАРЫ ЖҮРГІЗІЛУДЕ



Су ресурстары және ирригация министрлігі 1 млн астам тұрғыны бар елді мекендерде

топтық су құбырларын салу және реконструкциялау жобасын бастады, деп хабарлайды ведомствоның баспасөз қызметі.

Су ресурстары және ирригация министрлігі биыл су құбырларын салу және реконструкциялау бойынша 28 жобаны іске асыра бастады. Бұл жұмыстардың нәтижесінде, 1,1 млн тұрғыны бар 426 елді мекенде ауыз сумен қамтамасыз ету сапасы жақсарады.

Жаңадан салынатын және реконструкциядан өтетін топтық су құбырларының жалпы ұзындығы 2000 шақырымнан асады. Құрылыс жұмыстарын алдағы екі жылда аяқтау жоспарланып отыр.

«Құрылыс жұмыстары еліміздің 9 өңірінде жүріп жатыр. Атап айтқанда, Солтүстік Қазақстанда — 10 топтық су құбыры, Қызылорда облысында — 6, Ақмола облысында — 4, Алматы және Ұлытау облыстарында — 2 жобадан, Атырау, Маңғыстау, Түркістан, Батыс Қазақстан облыстарының әрқайсысында 1 топтық су құбырларын салу және реконструкциялау жобасы жүзеге асырылуда», - деді су ресурстары және ирригация вице-министрі Ерболат Ибрайханов.

**Астана.**